

Binoojiins doodooshaaboo naagmisjigan: Wegnesh nendwendaagwok awii gakendman

Miziwe Kiing Mina Bimaadiziwin Waaji-nakiindijig, Mina Bimaadiziwin Canada, Gagwek Wiisiniwin Nyaagdowendamajig Canada miinwaa Canadian Binoojiinig Aanikoominodewin gagiigtaagoziwog binoojiinsag awii shamgaazwaad noonaaganaabo goweta nigwadwaasiwi giizis shkwaa bimaadziwaad miinwaa aabaji noonaawisawin apiinish niszho biboon igag maage woshme, miinwaa age mijim shamad.

Inodewiziwinan gnimaa adaa nikaazinaa-aa e'zhichigaadeg dodoshaabo nowonj agwa onji. Giishpin nendaman awii shamad gdo binoojiinsim e'zhichigaadeg meshkowaagimig dodoshaabo, gdaa gnanaa mina bimaadziwin nyaagdowendang maage bemaadziig mina bimaadziwin mshkikii kwe. Ninda aanin debwewinan age naanaagdowendamaba:

GNIMAA AGE ZHIWEBIKIBA OWI BINOJIINS SHAMAAWISANG

Giishpin binojiinsag bwa debnamwaad noonaaganaabo, adaa-aanaa-aa woshme niizaanziwaad owi:

- Tawagnaapinewaad.
- Nipaan miinwaa nesewin inaazhisinaapinewin.
- Zhaabkaawizing mezhikaagemagak inaapinewin.
- Geskana Binojiins Nibwad Aapinewin (SIDS).
- Wiinina miinwaa gichi wiinina.
- Niishing aawang ziizibakkodewaapine.

Giishpin owa e'gashid bwa miigwed awiin noonaaganaabo newen ado binojiinsiman, e'gashijig woshme daa-aanaa-aa niizaanziwin newen:

- Gichi miskwiwing shkwaa binojiinsimig.
- Niishing aawang ziizibakkodewaapine.
- Ododosh gi-waawaniwazh gaa-zanagak aakoziwin.

Giishpin binojiinsag bwa debnamiwaad noonaaganaabo, gnimaa adaa aakosiwog ninda nji:

- Bichibowin nibiish.
- Ezhitowijig dodoshaabo agii bimaazhwiiwog.
- Dodoshaabo naagimisdowin bichichige.
- Maanaaji zgaknigaadeg dodoshaabo.
- Nikaazang gego bkaan dash meshkowaagimig dodoshaabo (dibishko gonaa egipagaagimig dodoshaabo).

Giishpin miinad gdo binojiinsim meshkowaagimig dodoshaabo dibiwegendan ninda eshibiigaadegin:

- Aaniish ezhayaawin awii miinad meshkowaagimig dodoshaabo gdo binojiinsim gikendaman newen e'niizaanag.
- Gdo gashkiton ana awii zhisidowin awii shamaawisawin meshkowaagimig dodoshaabo weweni?
- Gdo nistataan ana engindeg meshkowaagimig dodoshaabo.
- Gdo gikendaan ana meshkowaagimig dodoshaabo dowendaagwod 9 apiinish 12 giizis?

Giishpin woshme awii gikendaman owi binojiins shamaawisang, gdaa gnanaag beamdizijig mina bimaadiziwin nakiigamig maage gdo mina bimaadiziwin nyaagdowendang.

Aanke [dibaajige mazinigan miinwaa mezinaatesing](#) temgadoon awii naadimaagiyin giishpin nendaman maage nikaaziwin meshkowaagimig dodoshaabo.

Mezinaatesing: [Binoojiins doodooshaaboo naagmisjigan: Wegnesh nendwendaagwok awii gakendman](#)

Dibaajige Mazinigan

Dibaajima Mazinigan #1 – [Gikendaman Giizhendamowin Zhitowin](#)

Dibaajima Mazinigan #2 – [Azhiitaang Awii Zhichigaadeg Dodoshaabo](#)

Dibaajige Mazinigan #3 – [Waazhi Zhisidowin E-Giizhiitaasin Awii Shawmaawisawin E'zhichigaadeg Dodoshaabo Gewe Mina Bimaadizijig Binoojiinsag](#)

Dibaajige Mazinigan #4 – [Ezhi Zhitowin Dodoshaabo E'Bazagwaagimig Gewe E'Mina Bimaadizijig Binoojiinsag](#)

Dibaajige Mazinigan #5 – [Eshi Zhitowin Biisdaangaag Binojiins Dodoshaabo Gewe Mina Bimaadizijig Binoojiinsag](#)

Dibaajige Mazinigan #6 – [Waazhi Shamad Gdo Binojiinsim Nikaaziwin Modens Miinwaa Waazhi Bamidowin Dodoshaabo](#)



Owi gikendamowin ezhi miinwaa apii awii shamad gdo binojiinsim gnowaamdan:

Binoojiins doodooshaaboo naagmisjigan Wegnesh nendwendaagwok awii gakendman

Azhiitaang Awii Zhichigaadeg Dodoshaabo


Awii gikendaman awii zhitowin gikendamowin giizhendamowin waazhi shamad gdo binojiinim gdaa gnonaa mina bimaadziwin nyaagdowendang maagwed maage bemaadziig mina bimaadziwin mshkikii kwe. Gnowaamdan Dibaajige Mazinigan #1 newen ishpendaagwog gikendamowinan.



Gziibiiginan gninjiin miinwaa taasjigewin nikaazying giziibinigan miinwaa nibiish.



Kina gaziibiiginan naanaajigan moodensan, doodooshensan, yoywaaginan gbagaansan, yoywaagin, dabagan nataas, kiikoons nsaakbijigan, nikaazwin miinwaa debabijigewinan zhiwe gezhaagmideg giziibinaabo zhiwe baaninaagwak gaziibnigige naagan.



Nikaazan baanaagwog modens gaashkaadigan awii biintowin biinjiwiing miinwaa zaagjiwiing modensan miinwaa dodoshensag.



Biinaabaawidon weweni e'nishing nibiish. Maanda nibiish nishin shkwa giinaagimizigaadeg:


- Odenaang abi nji baamgag nibiish.
- E'daanding nibiish modaang etemgag (eta agwa gaawiin e'bagmideg, abweseg maage asiniwaagamig nibiish).
- Ndabaan nibi minwaapii e'ndakenjigaadeg.

Wankiwwendaagwog nibi pane adaa nikaazam zhitong dodoshaabo miinwaa biinaagimizigaadeg shimaawisan nikaaziwinan. Zhisidon naanaajigan moodensan miinwaa shimaawisan nikaaziwinan awii baatesing giji baanaagwog bengonaagnewigan.



Owii biintowin nikaaziwinan, mooshkinebish gichi akik owi nibiish miinwaa kina biinjiwebinan nakaaziwinan biinji akik apiinish kina gazwaabiigising.

Gazhaagmizan nibiish etemgag akikwang apiinish bagmideg miinwaa bagmizan niishi diba'igaans.



Nikaazan baanaagwog debabijigewin awii bamiowin naanaajigan moodensan miinwaa shimaawisa nikaaziwinan zhiwe nibiishing.

Zhisidon nikaaziwinan awii baatesing giji baanaagwog bengonaagnewigan. Amiisa giizhitaamigag awii nikaazang.



Biinaagmisijigaadeg Nibiish


Ziignan nibiish awaa nikaaziyin awii zhitowin dodoshaabo biinji akik.

Gazhaamizan nibiish apiinish bagmideg miinwaa bagmizan niishi dibagaans.



Zgakinaman E'biinaagomig Nibiish

Aanke E'biinaagimig nibiish adaa gnowendaagwod zhiwe e'biininaagwog meshkowaakwagaadeg zhaabwaase-aag modens niishtana shi niwini (24) dibagiisiwaan zaagji taaswining maage 2-3 giizhigag makomii taaswining.



Woshme awii gikendaman gnowaamdan, Binojiins Dodoshaabo: Nendowendaagoziwin Awii Gikendaman baakiiginigan 6-9:

- Ezhi biinchigaadeg miinwaa biininaagwak naanaajigan modensan shimaawisan nikaaziwinan.
- Aaniish ezhi biinaagimizigaadeg nibiish.
- Ezhi gagwekwendaman e'nishing nibiish nikaaziyin.

Waazhi Zhisidowin E-Giizhiitaasin Awii Shawmaawisawin E'zhichigaadeg Dodoshaabo Gewe Mina Bimaadizijig Binoojiinsag

E'giizhiitaasin ezhichigaadeg dodoshaaboo biinaagimi miinwaa maanji ayaangwamag dodoshaabo. Awii gikendamawin awii zhitowin gikendamowin giizhendawin waazhi shamad gdo binojiinim gdaa gnonaa mina bimaadziwin nyaagdowendang maagwed maage bemaadizijig mina bimaadziwin mshkikii kwe. Gnowaamdan Dibaajima Mazinigan #1 newen ishpendaagwog gikendamowinan.



Gaziibiginan gninjin miinwaa agiji taasiwin nikaaziwin nibiish miinwaa gaziibiginan.

Giizhiitaasdon kina baanaangwog shimaawisang nikaaziwinan (gnowaamdan Dibaajima Mazinigan #2).



Gaziibiginan owi shpiming akikwaabkoon maage gaaskiigini dodoshaabo ningodosijigan nikaaziwin gezhaagmideg miinwaa gaziibiginan.

Ndakendan ekwaaseg biigan zhiwe akikonsing.

Bimagso wewen owa akikwaabkoon miinwaa nsaakosh nikaaziwin baaninaagwog kikons baaknigan.



Ziginan owi dodoshaabo gagwek agwa baanaagwog noonaajigan modensing.

Gego nibiish aanke atoke owi e'giizhiitaasin ezhichigaadeg dodoshaaboo.



Daapish dodshens, gabagan miinwaa waawiyewaa nikaaziwin baaninaagwog daapinigan miinwaa toon noonaajigan modensing.




Mshkowaakan waaye-aag gninjin nikaaziwin.



Shamaawis gdo binojiinsim nkwetaman binojiinsim awii wiisined ezhichiged (gnowaamdan Dibaajima Mazinigan #6).

Zaagijiwebnan dodoshaabo owi gdo binojiinsim e'minigwesig shkwaa niizho (2)dibagisiwaan.



Woshme ayaangwamag awii zhisidon shki noonaajigan modens ensa pane agwa awii shamad gdo binojiinsim minwaa wewiib awii shamad. Giishpin woshme bezhig noonaajigan modens zhisidowin, makomii taaswining aton miinwaa nikaazan biinji nishtana shi niwini (24) dibagisiwan.

Agaa nisaaknigaazijig akikonsag owi Binoojiins dodoshaabo adaa gabagaade, wewiib makomii taaswining atong miinwaa adaa zagaknigaade apiinsh 48 niimdana shi nigwadwaasiwi dibagisiwan zhiwe makomii taaswining.



Owi gikendamowin ezhi miinwaa apii awii shamad gdo binojiinsim gnowaamdan:

- Baakiiginiganan 16-20 zhiwe mazinigansing **Binoojiins Dodoshaabo: Wegnesh nendwendaagwok awii gakendman.**
- **Dibaajima Mazinigan #6.**
- **Binojiins Dodoshaabo Ne-aab Adaa Gagwedwem Awii Biskaabinigaadeg.** Ne-aab gagwedwewin awii biskaabinigaadeg adaa makigaade zhiwe Health Canada waasamo-asabi mazina-igan odi www.healthycanadians.gc.ca/recall-alert-rappel-avis/index-eng.php

Ezhi Zhitowin Dodoshaabo E'Bazagwaagimig Gewe E'Mina Bimaadzijig Binojiinsag

Meshkowaagimig dodoshaabo waankiwendaagwod weweni zhisijigaadeg. Awii gikendaman awii zhitowin gikendamowin giizhendawin waazhi shamad gdo binojiinim gdaa gnonaa mina bimaadziwin nyaagdowendang maagwed maage bemaadzijig mina bimaadziwin mshkikii kwe. Gnowaamdan Dibaajige mazinigan #1 newen ishpendaagwod gikendamowinan.



Gaziibiginan gninjiin miinwaa agiji taasiwin nikaaziin nibiish miinwaa gaziibiginan.

Giizhiitaasdon kina baanaangwod shimaawisang nikaaziin (gnowaamdan Dibaajima Mazinigan #2).



Gaziibiginan owi shpiming akikwaabkoons maage gaaskiigini dodoshaabo ningodosijigan nikaaziin gezhaagmiddeg miinwaa gaziibiginan.

Ndakendan ekwaaseg biigan zhiwe akikonsing.

Bimagso wewen owa akikwaabkoons miinwaa nsaakosh nikaaziin baaninaagwod kicons baaknigan.



Gnowaamdan Dibaajige Mazinigan #2 waazhi biintowin nibiish awaa nikaaziin awii zhitowin dodoshaabo.

Agindan owi mazinigans awii waamdaman minik dodoshaabo miinwaa nibiish awaa nikaaziin ngoding awii shamaawisawin.


Ziiganan miinwaa dibizhan baanaagamig agaa dikaagimising ezhi yaamigag biindig biinji modensing.



Dibizhan naasab minik dodoshaabo ngoding awii shamawisawin.



Naasab minik owi dodoshaabo ngoding awii shangewin zhiwe baaninaagwod noonaajigan modens.



Nikaazan baaninaagwod debibijigewin awii daapnadwaa doodoshens, waawiyewaag miinwaa gibagan.



Mshkowaakan waaye-aag gninjiin nikaaziin. Aangwaamzin awii bwaa daanginad doodoshens.




Ginigsidon nengaa nangwebinaman modens.



**Shkwaa
niizho**
dibagiiswaaangag

Sham gdo binojiinsim nkwetaman binojiins awii wiisined ezhichiged (gnowaamdan Dibaajima Mazinigan #6).

Zaagjiwebnan dodoshaabo owi gdo binojiinsim e'minikwesig shkwaa niizho (2) dibagiiswaan.



Woshme ayaangwaamad awii nikaaziin shki zhichigaadeg noonaajigan modens ensa pane agwa shamad gdo binojiinsim. Giishpin agii zhisidowin newen noonaajigan modensan owi gaazhwaagmig/geshaagimidideg nibiish, dikisidon newen noonaajigan modensan wewiib dekaagimig bimibideg maage naagining e-moshkinebiig dekaagimig nibiish. Apii ani dikaagimising, aton makomii taaswining miinwaa nikaasan jibwaa niishtana shi niin (24) dibagiiswaaangwod.

Agaa nisaaknigaazijig akikonsag owi Binojiins dodoshaabo adaa gabagaade, wewiib makomii taaswining atong miinwaa adaa zagaknigaade apiinsh 48 niimdana shi nishwaasiwi dibagiisiwan zhiwe makomii taaswining.

Owi gikendamowin ezhi miinwaa apii awii shamad gdo binojiinsim gnowaamdan:


- Baakiiginanan 16-20 zhiwe mazinigansing **Binojiins Dodoshaabo: Wegnesh nendwendaagwod awii gakendman.**
- Dibaajima Mazinigan #6.**

Binojiins Dodoshaabo Ne-aab Adaa Gagwedwem Awii Biskaabinigaadeg. Ne-aab gagwedwewin awii biskaabinigaadeg adaa makigaade zhiwe Health Canada waasamo-asabi mazina-igan odi www.healthycanadians.gc.ca/recall-alert-rappel-avis/index-eng.php



Eshi Zhitowin Biisdaangaag Binojiins Dodoshaabo Gewe Mina Bimaadizijig Binoojiinsag

E'biisidaangaag binojiins dodoshaabo gaawii biinzino. Woshme shpamigad niizaanziwin owi majiwi awii maajiiging giishpin weweni bwaa naagmisjigaadeg. Awii gikendamawin awii zhitowin gikendamowin giizhendawin waazhi shamad gdo binojiinim gdaa gnonaa mina bimaadziwin nyaagdowendang maagwed maage bemaadziijig mina bimaadziwin mshkikii kwe. Gnowaamdan Dibaajima Mazinigan #1 newen ishpendaagowog gikendamowinan.



1
Gaziibiginan gninjiin miinwaa agiji taasiwin nikaaziyin nibiish miinwaa giziibiiginan.
Giizhiitaasdon kina baanaangwog shimaawisang nikaaziwinan (gnowaamdan Dibaajima Mazinigan #2).



2
Biintowin Nibiish
Gizhaagamizan nibiish niisha dibagaans minik. Gnowaamdan Dibaajima Mazinigan #2 owi nibiish e'waanikiwendaagwog awii nikaazang.
Zhiton dodoshaabo nibiish nikaaziyin epich gazhideg 70C maage woshme (bezbig litre gezhaagmideg nibiish dikaagmising megwaach agwa 70C shkwaa nisimidana dibagaans).
Gewe e'mina bimaadziijig binojiinsag, baanaagimig nibiish e'dakaagimisijigaadeg ezhiyaamigag biindig adaa nikaasam debnaag agwa wewiib owi dodoshaabo shangeng.



3
Ndakendan ekwaaseg biigan zhiwe akikonsing.
Zigwebinan nendowendaagwog minig baanaagimig nibiish zhiwe e'biininaagwog modens.



4
Nikaazan debiminig gwaabi'igan ezhibiigaadeg zhiwe akikonsing.
Mooshkinebidon gwaabigan biinji akikoons owi biisdaangaag dodoshaabo. Gaawii maagobidoke owi biisdaangaag. Desisidon owi gwaabigan nikaaziwiin baaninaagwog mookimaan.
Aankesidoon biisdaangaag owi zhiwe baanaagimig nibiish.



5
Daapish dodshens, gabagan miinwaa waawiyewaag nikaaziyin baaninaagwog daapinigan miinwaa toon noonaajigan modensing.



6
Mshkowaakan waaye-aag gninjiin nikaaziyn.




7
Bamagwebinan owi modens apiinsh gaawii gego bibigwaag biisdaangaag tesnag.



8
Wewiib dkaagmisdoon doodooshaaboo moodens zhiwe nibiish dekaagmig bemjiwang maage kikoonsin temgak dekaagmik nbiish. Awi pii mina piitaagmideg doodooshaaboo, gdaa shamaa gdo binoojiinsim.



9
Shkwaa niizho
dibagiswaangag
Sham gdowne binojiinsim newen e'waamdowig bikaded (Gnowaamdan Dibaajima Mazinigan #6).
Zaagjibinan owi dodoshaabo gdo binojiinsim e'minikwesig shkwaa niizha dibagiisiwan.



10
Woshme eyaangwaamag aawan awii nikaasang shki zhitong noonaajigan modens ensa pane agwa shamad gdo binojiinsim. Giishpin agii zhisidowin modensan owi geshowaagimig/gezhaagimideg nibiish, dakisidon modensan wewiib dekaagimig bemjiwang nibiish maage akikong dekaagimig temigag. Apii ani dikaagimig, makomii taasiwining aton miinwaa nikaazan jibwaa niishtana shi niwin (24) dibagiisiwan.

Owi gikendamowin ezhi miinwaa apii awii shamad gdo binojiinsim gnowaamdan:

- Baakiiginanan 16-20 zhiwe mazinigansing **Binoojiins Dodoshaabo: Wegnesh nendwendaagwok awii gakendman.**
- Dibaajima Mazinigan #6.




Binoojiins doodooshaaboo naagmisjigan can be recalled. Ne-aab gagwedwewin awii biskaabinigaadeg adaa makigaade zhiwe Health Canada waasamo-asabi mazina-igan odi www.healthyamericans.gc.ca/recall-alert-rappel-avis/index-eng.php

Ezhi Zhitowin Dodoshaboo E'Bazagwaagimig Gewe E'Mina Bimaadzijig Binojiinsag

Awii gikendaman awii zhitowin gikendamowin giizhendamowin waazhi shamad gdo binojiinim gdaa gnonaa mina bimaadziwin nyaagdowendang maagwed maage bemaadzijig mina bimaadziwin mshkikii kwe. Gnowaamdan Dibaajige mazinigan #1 newen ishpendaagwog gikendamowinan.

Baagamizigaadeg Dodoshaabo




Binojiinsag adaa minikwenaa-aa dodoshaabo e'giisho waagmideg maage dekaagimig.

Baagmizan owi dodoshaabo modens maanda nikiiyaa:

- Atowin modens zhiwe naaganing gaazhowaagimig nibiish temgak maage nikaaziin modens gazhaagmizigewin.
- Giizhowaagimizan gaawii woshme midaasiwi shi naanan dibagaans.
- Naanaagiwebnan modens apiichin agwa epiichi giizhwaagmideg.

Gegwa gizhaagmisige modens zhiwe gitaatibiziganing.



Apii shkwa baagmiziman dodoshaabo, nanaangiwebnan modens.

Bangii dodoshaabo ziignan naamiyiing gnikan awii gagwekwendaman dodoshaabo gaawi zaam gizhaagmidesinag. Bangii gwa adaa giizhowaagimi, gawiiin adaa gazhaagmidesno.

Ezhi Shamad Binojiins Modens Nikaaziin



Gdo binojiinsim wiiba waamdowen bikaded maanda nikiiyaa:

- Bimaajiid maage bimaadinang nikensan.
- Baakadonetaad miinwaa bibaakski donesed.
- Biimskondibetaad giin nikiiyaa yaawin.

Amii maanda minapii awii zhamad gdo binojiinsim.

Mawaach agwa binojiinsag wiisinowog nishwaasiwi (8) maage woshme niching ensa niishtana shi niwin (24) dibagiisiwaan.



Woshme bakade binojiins gishpin waamdaman ninda:

- Ninjiinsan adoning ado tonan.
- Wiikijige miinwaa nooskwaadoge
- Mooshkwaaji zhayaa.
- Mazitaagozi.



Ezhi waamdowed gdo binojiinsim aapji agwa bakaded maanda nikiiyaa:

- Niistaagozi miinwaa mawi.
- Mooshkaadendam.
- Aapaji Ekozi miinwaa nibaa.

Gnimaa aabdeg gda bizaanendamowaa gdo binojiinsim giishpin maanaadendam.



Majigosh gdo binojiinsim nimadibid aapii noonaagjigan modens shamad. Zhishim owa noonaagjigan modens dodoshens dibashish naamiyiin donensing miinwaa baabiwitoon awii gichi baakodonenig awii shamad noonaagjigan modens.

Gagwaa aaswaaksidoke noonaagjigan modens maage zhigishmaake yaang owi noonaagjigan modens.



Kwe niwebwo gdo binojiinsim giishpin waamdowed gadagtood:

- Dodoshaabo zaagjiwang donesing.
- Bakwenjkozad maage aagaded.
- Miiswegijige maage wewiib gndang
- Bazhijiitaa maage ngoji azhi gaanjwebinaan modens.
- Ngoji zhindibetaad.




Waamdowewinan gdo binojiinsim dowendang awii megided:

- Zhashigitaa.
- Nishkaadizi maage niiskaagizi.
- Ado bagidnendaan modens dodosh.
- Nengaach wiikijige maage boonitaa.



Boontaan shamaawisawin waamdowig gdo binojiinsim debsiniid. Ninda dagosinon:

- Bejitaad maage bontaad wiikjiged.
- Gabaak donetaad.
- Ngoji nikiiyaa zhindibetaad.
- Gaanjwebnidizad ngoji owi modensing maage newen e'shamgojin.
- |Nibaad.



Megadewad gdo binojiinsim nengaa j baapaagbokanewad gininj nikaaziin. Ninda nikiiyaa gajiton awii megadewad gdo binojiinsim.


Bamidowin Dodoshaabo

Giishpin bibaamaadziwin, giizhaa zhitoon dodoshaabo.

Baamaapii dakaagmising dodoshaabo moodens makomi taaswining miinwaa dikaag modens aga maajiidon.

Gnowendan owi dodoshaabo zhiwe dakisiige mshkimad nikaaziin meshkowaakadin wiikwebijigan apiinish awii shamaawisawin.

Ngoji pakdan owi agaa nikaazisiwin dodoshaabo shkwaa niishtana shi niwin (24) dibagisiwaan.



Woshme awii gikendaman waazhi miinwaa apii awii shamad gdo binojiinsim gnowaamdan baakiiginigan 16-20 zhiwe: owi masinigaans **Binojiins Dodoshaabo: Wegnesh nendwendaagwok awii gakendman**